

Sidadi di Boston

Na Kumité Skular

kuarta-fera, 14 di Julhu di 2021

PULITIKA DI ADMISONS DI SKOLAS DI IZAMI DI BOSTON PUBLIC SCHOOLS

ORDENA, ki Kumité Skular aprova Pulitika en aneksu rilativu a Admisons na skolas di Izami na Boston Public Schools:

Es pulitika ta bai prumovi asesu ikuitativu na sidadi interu a skolas di izami di distritu y garanti ma sperienza idukasiunal di tudu alunu ta ser inrekisidu pa diversidadi sosio-ikunómiku, jiugráfiku y rasial através di kritérius di admison adotadu.

Na vutason numinal, Orden foi aprovalu pa siginti vutason:

A FAVOR -

KONTRA -

AUZENTI -

Atesta:

Elizabeth A. Sullivan
Sikretária Izekutiva

Sidadi di Boston

Na Kumité Skular

kuarta-fera, 14 di Julhu di 2021

PULITIKA DI ADMISONS DI SKOLAS DI IZAMI DI BOSTON PUBLIC SCHOOLS

A fin di prumovi asesu ikuitativu na sidadi interu a skolas di izami di distritu y di garanti ma speriensia idukasiunal di tudu alunu ta ser inrekisidu pa diversidadi sosio-ikunómiku, jiugráfiku y rasial pulitika di admisons a skolas di izami na Boston Public Schools ta bai ser siginti:

Konsiderandu pandimia di COVID-19 y inpaktu sobri alunus, Boston Public Schools sa ta bai implimenta u siginti na dos fazi.

1. **FAZI I:** Na primeru anu di pultika, Boston Public Schools sa ta bai implimenta u siginti pa ingresu na anu letivu 2022-2023:
 - a. Kualker alunu di 6^o anu rizidenti na Boston (o sirvidu di otu forma pa Boston Public Schools) é ilejivel pa admison na 7^o anu na skolas di izami di Boston na anu letivu 2022-23, kualker alunu di 8^o anu rizidenti na Boston (o sirvidu di otu forma pa Boston Public Schools) é ilejivel pa admison na 9^o anu na skolas di izami di Boston na anu letivu 2022-23, y kualker alunu di 9^o anu rizidenti na Boston (o sirvidu di otu forma pa Boston Public Schools) é ilejivel pa admison na 10^o anu na John D. O'Bryant School of Mathematics and Science (Skola di Matimátika y Siensias) na anu letivu 2022-23 si es inkuadra na sigintis kritériu:
 - i. Un média di notas (GPA) di B o superior na ELA, Matimátika, Siensias y Studus Susial na dos primerus trimestri /primeru trimestri di anu letivu 2021-2022; y
 - ii. Un riprezentanti skola/distritu ki ta frikuenta debi virifika si alunu sa ta ten un dizenpenhu a nivel skular ku bazi na padrons kurikular di Massachusetts.
 - b. Kandidatus ilejivel ta bai risebi un pontuason konpostu ki ta varia entri 1-100, konpostu apenas pa si GPA. Ta bai ser akrisentadu pontus adisiunal a pontuason konpostu di un alunu si es kurispondi a un di sigintis fator:
 - i. Kinzi (15) pontu adisiunal ta bai ser akrisentadu a pontuasons konpostu pa alunus sen abrigu, alunus sob kuidadus di Dipartamentu di Kriansas y Familias, y alunus ki ta vivi na abitasons publiku tradisiunal finansiadu a nivel federal o estatal y di prupriedadi di Boston Housing Authority.
 - ii. Dés (10) pontu adisiunal ta bai ser akrisentadu a pontuasons konpostu pa alunus ki frikuenta un skola na anu antirior a kandidatura, ki teni en média, na ultimus sinku anu, un matrikula di 40% o más alunus ikunómikamenti disfavisidus, konformi difinidu pa Dipartamentu di Ensinu Báziku y Sikundáriu. Na kazu di un alunu ser un novu rizidenti di Boston na anu letivu di kandidatura, skola atual ta bai ser inton utilizadu pa ditermina ilejibilidadi pa kes pontu adisiunal.
 - iii. Alunus ka podi risebi pontus adisiunal pa tudu dos ária. Si alunus risebi 15 pontu, es ka é ilejivel pa kes 10 pontu.

Sidadi di Boston

Na Kumité Skular

2. **FAZI II:** Na sigundu anu di implimentason pa ingresu a partir di anu letivu 2023-2024, y tudu anu duranti vijensia des pulitika a sigi, rikizitus di ingresu ta bai ser plenamenti implimentadu di siginti forma:
 - a. Kualker alunu di 6^o anu rizidenti na Boston (o sirvidu di otu forma pa Boston Public Schools) é ilejivel pa admison na 7^o anu na skolas di izami di Boston; kualker alunu di 8^o anu rizidenti na Boston (o sirvidu di otu forma pa Boston Public Schools) é ilejivel pa admison na 9^o anu na skolas di izami di Boston; y kualker alunu di 9^o anu rizidenti na Boston (o sirvidu di otu forma pa Boston Public Schools) é ilejivel pa admison na 10^o anu na John D. O'Bryant School of Mathematics and Science (Skola di Matimátika y Siensias) si es inkuadra na sigintis kritériu:
 - i. Un GPA di B o supirior na ELA y Matimátika na ultimu periudu di klasifikason di anu antirior a kandidatura, y ELA, Matimátika, Siensias y Studus Susial na dos primerus trimestri/primeru trimestri di si 6^o, 8^o o 9^o anu di skularidadi.
 - ii. Un riprezentanti skola/distritu ki ta frikuenta debi virifika si alunu sa ta ten un dizenpenhu a nivel skular ku bazi na padrons kurikular di Massachusetts.
 - iii. Un rizultadu konpletu di avaliason identifikadu pa distritu pa ingresu na izami skular. Alunus ta bai ten opurtunidadadi di fazi avaliason dos bes. Un ves na primavera di 5^o anu di skularidadi y otu na otonu di 6^o anu di skularidadi, ku pontuason más altu ta ser utilizadu pa admisons.
 - b. Kandidatus ilejivel ta bai risebi un pontuason konpostu ki ta varia entri 1-100, konpostu pa si GPA y rizultadu di avaliason. Avaliason ta bai ten un pezu di 30% y GPA ta bai ten un pezu di 70%. Ta bai ser akrisentadu pontus adisiunal a pontuason konpostu di un alunu si es kurispondi a un di sigintis fator:
 - i. Kinzi (15) pontu adisiunal ta bai ser akrisentadu a pontuasons konpostu pa alunus sen abrigu, alunus sob kuidadus o kustódia di Dipartamentu di Kriansas y Familias, y alunus ki ta vivi na abitasons publiku tradisiunal finansiadu a nivel federal o statal y di prupriedadi di Boston Housing Authority.
 - ii. Dés (10) pontu adisiunal ta bai ser akrisentadu a pontuasons konpostu pa alunus ki frikuenta un skola na anu antirior a kandidatura, ki teni en média, na ultimus sinku anu, un matrikula di 40% o más alunus ikunómikamenti disfavisidu, konformi difinidu pa Dipartamentu di Ensinu Báziku y Sikundáriu. Na kazu di un alunu ser un novu rizidenti di Boston na anu letivu di kandidatura, skola atual ta bai ser inton utilizadu pa ditermina ilejibilidadadi pa kes pontu adisiunal.
 - iii. Alunus ka podi risebi pontus adisiunal pa tudu dos ária. Si alunus risebi 15 pontu, es ka é ilejivel pa kes 10 pontu.
3. **Tantu na Fazi I komu na Fazi II:** Boston Public Schools ta bai distribui konvitis pa skolas di izami di forma uniformi na oitu nivel di setoris sensitáriu agrupadus ku bazi na fatoris sosio-ikunómiku. Kada nivel ta bai risebi aprosimadamenti u mesmu numeru di konvitis pa skolas di izami. Na kada nivel, alunus ta bai ser klasifikadu ku bazi na sis pontuason konpostu más kualker pontus adisiunal diskritus asima.

Sidadi di Boston

Na Kumité Skular

- a. Boston Public Schools ta bai agrupa setoris sensitáriu na niveis ku bazi na sigintis fator sosio-ikunómiku, konformi privistu na médias di 5 anu di U.S. Census Bureau's
 - b. Piskiza di Kumunidadei Amerikanu: porsentajen di pesoas abaxu di pobreza, porsentajen di abitasons ki ka é okupadu pa pruprietáriu, porsentajen di familias xefiadu pa un uniku prujenitor, porsentajen di abitasons undi inglés ka é prinsipal lingua papiadu, y nivel di skularidadi atinjidu.
 - c. Niveis ta bai ser di dimenson relativamenti igual ku bazi na numerus di kriansas na idadi skular di 5^o a 8^o anu, di akordu ku média di 5 anu di American Community Survey.
 - d. Konvitis ta bai ser distribuidu na dés (10) rodada ku 10% di lugaris dispunivel dentu di kada nivel distribuidu na kada ronda. Nivel ku pontuason sosio-ikunómiku más baxu ta bai ser primeru na kada ronda, sigidu pa restantis nivel pa orden di pontuason sosio-ikunómiku más baxu pa más altu.
 - e. Pa alunus ku pontuason konpostu identiku dentu di un nivel sosio-ikunómiku ta bai ser atribuidu un numeru aliatóriu pa determina kal ke primeru ta avansa. Individu ku numeru aliatóriu inferior t abai ser klasifikadu asima di kel(s) otu(s).
 - f. Konvitis pa kada skola di izami ta bai ser konsididu ku bazi na prifirensia di alunus. Si tudu vaga na skola di primeru skodja di alunu dja tiver sidu atribuidu, alunu ta bai risebi un konviti pa skola di sigundu opton, au menus ki tudu vaga n askola di sigundu opton dja tiver sidu atribuidu. Nes kazu, alunu ta bai risebi un konviti pa skola di si terseru skodja, ti ki tudu vaga stiver prienxidu.
4. Es pulitika ta bai ser valiadu y aprisiadu di sinku en sinku anu.

Ta bai ser dizenvolidu un planu klaru pa operasiunaliza pulitika y sigintis rikumendason. Un Sirkular di Superintendenti ta bai furaliza lujistika operasiunal rilasiunadu ku káلكulu di GPA, administrason di testis y prusesu di kandidatura:

- Dizenvolvi y publika un planu di apoiu a novus alunu y planu akadémiku pa 4^o a 6^o anu.
- Publika un rilatóriu anual na Junhu pa inklui rizultadus dizagregadu di alunus y avaliason di prugrama, inkluidu rizultadus dizagregadu di inkéritus sobri klima skular y otus dadus di rizultadus di alunus, konformi for rilevanti pa implimentason di pulitika.
- Plania un orsamentu pa implimentason di pulitika.
- Planu pa involvimentu familiar y kumunitáriu y komunikasons relativu a prusesu di kandidatura y konviti.
- Dizenvolvi y publika un pulitika kuerenti di klasifikason ikuitativu distrital utilizandu un skala A-F na undi un A+ é tratadu komu un A.